

TREGUESIT DEMOGRAFIKË

Viti 2025 dhe Tremujori I - 2026

Në vitin 2025, shtesa natyrore e popullsisë rezultoi pozitive me 1.147 lindje më shumë se vdekje, por në rënie krahasuar me vitin 2024.

- Gjatë vitit 2025 lindën 22.541 foshnje dhe u regjistruan 21.394 vdekje.
- Në 2025, lindjet dhe vdekjet shënuan rënie, përkatësisht me 3,3 % dhe 3,2 %, krahasuar me 2024.

Në tremujorin e parë të vitit 2026, shtesa natyrore e popullsisë rezultoi negative me 368 vdekje më shumë se lindje.

- Gjatë tremujorit të parë lindën 5.146 foshnje dhe u regjistruan 5.514 vdekje.
- Në tremujorin e parë të vitit 2026, lindjet shënuan rritje me 1,0 %, ndërsa vdekjet shënuan rënie me 7,4 %, krahasuar me të njëjtin tremujor të vitit 2025

Lindjet - Viti 2025

- Qarku me më shumë lindje: Tiranë (10.866)
- Qarku me më pak lindje: Gjirokastrë (292)
- Krahasuar me 2024 rezulton: rritje në 1 qark; rënie në 11 qarqe
- Rritja më e madhe: Tiranë (+ 20,7 %)
- Rënia më e madhe: Dibër (- 37,7 %)

Lindjet - Tremujori I / 2026

- Qarku me më shumë lindje: Tiranë (2.438)
- Qarku me më pak lindje: Gjirokastrë (59)
- Krahasuar me T1/2025 rezulton: rritje në 6 qarqe; 1 qark pa ndryshim; rënie në 5 qarqe
- Rritja më e madhe: Berat (+ 14,5 %)
- Rënia më e madhe: Gjirokastrë (- 23,4 %)

Vdekjet - Viti 2025

- Qarku me më shumë vdekje: Tiranë (5.483)
- Qarku me më pak vdekje: Kukës (486)
- Krahasuar me 2024 rezulton: rritje në 2 qarqe; rënie në 10 qarqe
- Rritja më e madhe: Korçë (+ 2,3 %)
- Rënia më e madhe: Kukës (- 8,8 %)

Vdekjet - Tremujori I / 2026


- Qarku me më shumë vdekje: Tiranë (1.422)
- Qarku me më pak vdekje: Kukës (99)
- Krahasuar me T1/2025 rezulton: rritje në 1 qark; rënie në 11 qarqe
- Rritja më e madhe: Elbasan (+ 3,2 %)
- Rënia më e madhe: Kukës (- 28,3 %)

FIG. 1 SHTESA NATYRORE - TREMUJORE



* Të dhëna paraprake

FIG. 2 LINDJET, VDEKJET DHE SHTESA NATYRORE SIPAS QARQEVE, T1 – 2026*



* Të dhëna paraprake

Shënim për përdoruesit:

Të dhënat e detajuara janë të disponueshme në databazën statistikore të INSTAT: [Lindjet, Vdekjet](https://www.instat.gov.al/sq/)

Metodologjia

Shënime metodologjike

Të dhënat tremujore për lindjet dhe vdekjet, në nivel kombëtar dhe qarku, përbëjnë një hallkë të rëndësishme të demografisë së vendit. Ato paraqesin të dhëna mbi ndryshimet në popullsi, të cilat kanë impakt në jetën ekonomike dhe sociale të vendit. Këto të dhëna publikohen mbështetur në Programin e Statistikave Zyrtare 2022-2026.

Lindjet

Të dhënat e lindjeve

Të dhënat e lindjeve sipas karakteristikave bazë demografike sigurohen nga Drejtoria e Përgjithshme e Gjendjes Civile, e cila dërgon në INSTAT vetëm numrin e lindjeve të banuesve në Shqipëri.

Konsiderohen të gjitha lindjet e banuesve në Shqipëri gjatë periudhës referencë, duke mos marrë parasysh lindjet e banuesve jashtë Shqipërisë (emigrantëve), edhe pse mund të regjistrohen në zyrat e gjendjes civile, pranë ish-vendbanimeve të tyre.

Regjistrimet e vona të lindjeve

Kryhet një rregullim i vogël i numrit të lindjeve që regjistrohen vonë për vitin aktual, në mënyrë që të përfshijmë të gjitha lindjet e ndodhura në periudhën referencë.

Numri i lindjeve të regjistruara vonë nga viti i mëparshëm janë konsideruar si një proxy për regjistrimet e vona të vitit aktual, duke konsideruar supozimin (si rezultat edhe i analizave tona të vazhdueshme) që numri i regjistrimeve të vona të lindjeve nuk ndryshon shumë nga viti në vit.

Vdekjet

Të dhënat e vdekjeve

Të dhënat e vdekjeve, sipas karakteristikave bazë demografike sigurohen nga Drejtoria e Përgjithshme e Gjendjes Civile, e cila dërgon në INSTAT vetëm numrin e vdekjeve të banuesve në Shqipëri.

Konsiderohen të gjitha vdekjet e banuesve në Shqipëri gjatë periudhës referencë, duke mos marrë parasysh vdekjet e banuesve jashtë Shqipërisë (emigrantëve), edhe pse mund të regjistrohen në zyrat e gjendjes civile pranë ish-vendbanimeve të tyre.

Regjistrimet e vona të vdekjeve

Bëjmë një rregullim të vogël të numrit të vdekjeve që regjistrohen vonë për vitin aktual, në mënyrë që të përfshijmë të gjitha vdekjet e ndodhura në periudhën referencë.

Numri i vdekjeve të regjistruara vonë nga viti i mëparshëm janë konsideruar si një proxy për regjistrimet e vona të vitit aktual, duke konsideruar supozimin (si rezultat edhe i analizave tona të vazhdueshme) që numri i regjistrimeve të vona të vdekjeve nuk ndryshon shumë nga viti në vit.

Përkufizime¹

Shtesa natyrore e popullsisë: Shpreh rritjen/rënien e popullsisë, si rezultat i proceseve biologjike (lindjeve dhe vdekjeve) të saj, gjatë një periudhe kohe.

Ky tregues shprehet si diferencë ndërmjet lindjeve dhe vdekjeve.

Lindje e gjallë: Lindje e fëmijës që shfaq shenja jete.

Vdekje: Nënkupton zhdukjen e përhershme të të gjitha shenjave të jetës, në çdo kohë pasi ka ndodhur një lindje e gjallë (ndërprerjen e funksioneve vitale, pa aftësinë e ringjalljes).

¹ Shiko metodologjinë në linkun në vijim: <https://www.instat.gov.al/sq/temat/treguesit-demografike-dhe-sociale/lindjet-vdekjet-dhe-martesat/#tab4>